

NË EMËR TË POPULLIT

GJYKATA THEMELORE GJAKOVË - DEGA RAHOVEC/Departamenti i Përgjithshëm - Divizioni Penal, gjyqtari i vetëm gjykues Mizahir Shabani, me sekretaren juridike Shemsije Shehu, në çështjen penale kundër të akuzuarit N. Th. nga fshati X., komuna e Rahoveci, për shkak të veprës penale të vjedhjes së shërbimeve komunale nga neni 320 të KPRK-së, i akuzuar sipas aktakuzës së Prokurorisë Themelore Gjakovë - Departamenti i Përgjithshëm, PP.nr.1852/2017 të datës 197.12.2017, pas mbajtjes së shqyrtimit fillestar, në prezencën e përfaqësuesit të akuzës Prokurori i Shtetit Bajram Kelmendi, të akuzuarit si dhe përfaqësuesit të dëmtuarës, me datën 06.11.2018, mori dhe publikisht shpalli këtë:

A K T G J Y K I M

I akuzuari:

N. TH., nga i ati A. dhe e ëma H., e gjinisë B., i lindur me datën ... në fshatin X., komuna e Rahovecit, ku edhe tani jeton, me nr. personal të identifikimit ..., i pa punë, ka të shkollën fillore, i martuar, i ati i gjashtë (6) fëmijëve, i gjendjes së dobët ekonomike, shqiptar, shtetas i Republikës së Kosovës.

ËSHTË FAJTOR

Sepse:

Më datë të pavërtetuar e deri më dt. 16.08.2017, me qëllim që vetit ti sjellë përfitim pasuror të kundërligjshëm me qëllim fitimi në mënyrë të paautorizuar ka shfrytëzuar energjin elektrikenë kundeshtim me nenin 61 të Ligjit nr. 05/L-085 të Ligjit për Energji Elektrike të GZRK nr. 26/21, Korrik 2016, është konstartuar se në shifrën DGJ-9028186, jashtë njehsorit elektrik me nr.63985233, përmes kabllor, është lidhur direkt në rrjetin elektrik, me këtë veprim energjia elektrike e shpenzuar nuk është regjistruar saktë, me ç`rastë të dëmtuarës KEDS – Divizioni i Rrjetit – Distrikti në Gjakovë i ka shkaktuar dëm në vler[prej 285.06 €.

Me këtë ka kryer veprën penale të vjedhjes së shërbimeve komunale nga neni 320 të KPRK-së.

Andaj, gjykata konform nenit 4, 6, 7, 17, 41, 42, 49 par.1 pika 1.1, 50, 51, 52 dhe 73 të KPRK-së, si dhe nenit 365 të Kodit të Procedurës Penale, të njëjtit i shqipton:

DËNIMIN ME KUSHT

Gjykon me dënim me gjobë në shumën prej **dyqind (200) euro**, dhe dënim me burgim në kohëzgjatje prej **nëntëdhjetë (90) ditëve**, të cilat dënime nuk do të ekzekutohen, nëse i akuzuari brenda kohës së verifikimit në afat prej **një (1) viti**, nga plotfuqishmëria e aktgjykimit, nuk kryen ndonjë vepër tjetër penale.

E dëmtuara KEDS - Distrikti në Gjakovë, udhëzohet që kërkesën pasurore juridike ta realizojë në kontest civil.

Detyrohet i akuzuari që të paguaj shpenzimet e paushallit gjyqësor në shumën prej tridhjetë (30) euro, e të gjitha këto në afat prej 15 ditëve nga dita e plotfuqishmërisë së këtij aktgjykimi.

A r s y e t i m

Prokuroria Themelore Gjakovë - Departamenti i Përgjithshëm, në këtë gjykatë ka paraqitur aktakuzën PP.nr.1852/2017 të datës 19.12.2017, kundër të akuzuarit N. Th. nga fshati X., komuna e Rahoveci, për shkak të veprës penale të vjedhjes së shërbimeve komunale nga neni 320 të KPRK-së

Gjykata ka caktuar seancën e shqyrtimit fillestar me datën 06.11.2018, ku ka qenë prezent përfaqësuesi i akuzës Prokurori i Shtetit Bajram Kryeziu, i akuzuari, si dhe përfaqësuesi i të dëmtuarës KEDS – Distrikti në Gjakovë, L. M. sipas autorizimit.

Pas leximit të aktakuzës nga Prokurori i Shtetit, njëherit bënë përmirësimin me shkresë të veçantë PP.nr.1852/2017 të datës 29.03.2017, që në vend të veprës penale shfrytëzimi i pa autorizuar i energjisë elektrike nga neni 61 par.1 nënpar.1.1 të Ligjit për energjinë elektrike në veprën penale vjedhja e shërbimeve komunale nga neni 320 të KPRK-së, ndërsa pjesa tjetër e aktakuzës mbetet e pa ndryshuar.

I akuzuari ka deklaruar se e ka kuptuar aktakuzën dhe ka pranuar fajësinë për veprën penale për të cilën akuzohet, duke shtuar se ndihet fajtor dhe ndien keqardhje për rastin që ka ndodhur.

Gjyqtari i vetëm gjykues pasi është bindur se i akuzuari e ka kuptuar aktakuzën, të njëjtit i ka dhënë mundësinë që të pranojë ose të mos e pranojë fajësinë dhe pasi i akuzuari e ka pranuar fajësinë, gjykata e ka njoftuar lidhje me efektet e pranimit të fajësisë. Po ashtu është kërkuar edhe mendimi i Prokurorit të Shtetit lidhur me pranimin e fajësisë nga ana e të akuzuarit, i cili ka deklaruar se është i pajtimit me pranimin e fajësisë.

Andaj nga të lartëcekurat, pasi që janë plotësuar kushtet e parapara sipas dispozitave të nenit 248 par.4 të KPRK-së, për shkak se i akuzuari në fillim të seancës fillestare është deklarua i fajshëm, në tërësi e ka pranuar veprën penale për të cilën akuzohet, gjykata nuk ka proceduar administrimin e provave.

Gjyqtari i vetëm gjykues, pas pranimit të fajësisë nga i akuzuari, ka gjetur se i njëjti ka kryer veprën penale të vjedhjes së shërbimeve komunale nga neni 320 të KPRK-së, dhe gjendjen e tillë faktike e mori ashtu sikur ishte përcaktuar në aktakuzë dhe provat për të cilat i përmban aktakuza e të cilat janë: Procesverbal i mbi konstatimin e gjendjes faktike me nr.2527310 të dt.16.08.2017, fatura mbi dëmin e shkaktuar me nr.DGHP177007 të dt.21.09.2017, të lëshuar nga Sektori i faturimit – KESKO- si dhe foto dokumentacioni dhe shkresat tjera që gjenden në lëndë, gjykata ka ardhur në përfundim se në veprimet e të akuzuarit formohen të gjitha elementet e veprës penale me të cilën akuzohet, andaj gjykata ka vendosur të njëjtin ta shpall fajtor dhe ta gjykoj në bazë të ligjit.

Me rastin e caktimit dhe matjes së dënimit gjykata ka marrë parasysh të gjitha rrethanat që ndikojnë në llojin dhe lartësinë e dënimit sipas nenit 73 dhe 74 të Kodit Penal të Republikës së Kosovës, ashtu që si rrethanë lehtësuese ka marrë sjelljen korrekte të akuzuarit në gjykim, i njëjti është deklaruar i fajshëm, si dhe i vjen keq për rastin që ka ndodhur, ndërsa rrethana veqanërisht rënduese nuk gjeti, andaj të njëjtit ia ka shqiptuar dënimin me kusht me shpresë dhe bindje se edhe me këtë dënim do të arrihet qëllimi i dënimit të paraparë me dispozitat e nenit 41 të KPRK-së.

Vendimi mbi udhëzimin e të dëmtuarës që kërkesë pasurore – juridike të realizojë në procedurë të rregullt juridiko civile bazohet në nenin 463 të KPPK-së.

Vendimi mbi shpenzimet e paushallit gjyqësorë bazohet në nenin 450 par.1 dhe 2 nënpar.2.6 të KPPK-së.

Nga sa u tha më lartë, e në bazë të nenit 365 të KPPK-së, u vendos si në dispozitiv të këtij aktgjykimi.

GJYKATA THEMELORE GJAKOVË - DEGA RAHOVEC
- Departamenti i Përgjithshëm - Divizioni Penal -
P.nr.421/2017, me datën 06.11.2018

Sek. Juridike,
Shemsije Shehu

Gjyqtari i vetëm gjykues,
Mizahir Shabani

UDHËZIMI JURIDIK: Kundër këtij aktgjykimi pala e pakënaqur ka të drejtë ankese në afat prej 15 ditësh, nga dita e pranimit të këtij aktgjykimi, Gjykatës së Apelit në Prishtinë, nëpërmjet kësaj gjykate.